

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...**

**Fronsberger, Leonhardt**

**[Franckfurt am Main], 1558**

**VD16 F 3129**

Kupferstich

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Von aller hand Kriegskunst vnd gebrauch!



man gepürt vnd sein beuelch erfordert jeder zeit zuhalten / inen allen vnd je jedem in sonderheyt zuthun was ime lieb ist / vnd bitter das sie ime yeder zeyt / nach gelegenheyt vnd gestalt der sachen / gefellig vnd gehorsam sein wöllen / auff jr Fändlin / auff Züg vnd Wachten / gegen vnd von feynden / wie es die zeyt vnd gelegenheyt mitbringet / ein fleißig vnd dapffer auffsehen haben.

So man mitt seinem Fändlin auff sol sein / es sey auff Züg odder Wacht / vnd so man zu seinem Fändlin den Knechten hat vmbgeschlagen / so nimpt er sein Fändlin laßt es fliegen / vnd laßet stäts ein Spil bey ihme gehn / damit es die Knecht sehen vnd hören / vnd sich bey ime versamlen / so sie dann versamelt seind / so machen die Weybel vnd Beuelchfleut jr Ordnung / vnd ziehen dahin sie verordnet seind.

Im Läger steckt er sein Fändlin bey seiner Zelt oder Losament auff / vnd laßet es fliegen / damit seine vnderknecht seins Hauptmans / vnd sein Quartier dabey wissen zuertennen vnd finden.

So er mitt seinem Fändlin an ein Sturm verordnet / so gepürt ihme / das er sich vor allen anderen herfür vnd gegen den Feinden thut / das mitt die Kriegsleut verursacht werden / ihrem Fändlin nach / vnd den feynden